

劉槎翁先生詩選卷之四

七言古詩

磨劍歌

我行四方如飄風袖有古劍蒼精龍何年塵土凝不  
滅苔花繡澁青芙蓉往者提携訪嵩嶽手抉飛泉向  
空落劃然掣斷青絲懸直恐乘流遂騰躍青天白日  
交風霆我方赤手試發矸陰紋差差吐寒月碧縵隱  
隱排踈星搖拽千仞岷動蕩九澤水腥浪迴天倒海  
流陽侯夜哭魚龍死歸來麗嶽青玉函紫雲為束黃  
金緘不願輕污佞臣血千年萬年保冰雪



題李子种所藏羅小丹青松障子歌

羅君畫松竒且雄兩株屹立青天中已愁白晝結寒  
雨更覺素壁吹長風橫梢屈鐵蒼皮健恍惚垂雲青  
一片若非巫峡道中逢定向華山峰頂見深林無人  
日色昏蕭瑟似有孤啼猿蒼根下走岩石裂清響暝  
與溪流喧古來志士淪野草每見良材嘆枯槁何如  
此樹保天真千歲高堂奉君老

所思曲寄曠伯達

我所思兮西山之美人愛而不見勞我心美人娟娟  
隔雲林昔別遺我雙南金東風吹行雲飄忽在遠道

綠髮青蛾眉念此顏色好秋風八月芙蓉開憶君寄  
書南浦來芙蓉寒死十月露復忽寄書重相催我行  
十八灘七水流浩七青天急雪亂迴風白日驚雷撼  
崇島上有嫋七之綠蘿下有沉七之迴波玄猿暝啼  
江月出獨不見之愁柰何愁柰何風瀟七山中歲晏  
不可以遠招鴈鴻茫七隔烟水楊柳颯颯悲河橋願  
携雙綺羅贈此遠別者新愁渺如霧千里不得寫早  
晚下南津預將書報君江空日莫不可見望七西山  
多白雲

織女吟贈黃進賢



憶昔束髮初嬌倚雲錦機折花事戲劇咲詫身上衣  
一從十五時學向機中織絲短愁苦長梭緩心轉急  
永夜蘭燈懸洞房門前梧葉零秋霜七寒手凍絲緒  
亂絡緯悲啼金井床春花更疊黃金縷花底青鸞蹴  
烟霧東風何日天上来擬奉君王宴歌舞十日滿匹  
恒苦遲一夕停梭生網絲持刀沉吟剪秋水粉泪欲  
落愁風吹遠懷素心人邈在千里道何因托交懽持  
此永相保東鄰小姬昔同年至今盛飾為母憐幾回  
月高鳴杼軸正是他家夜彈曲

雙桂歌為楊彥初作

楊郎庭前雙桂樹我一見之消百憂亭七車蓋立清  
晝瑟瑟霧雨含清秋東偏一株極偃蹇苔蘚半面青  
相螺西偏一株亦慘淡雲中倒掛珊瑚鈎青蛟曉蛻  
腥雨濕黑蛺夜聞蒼烟愁開軒宴我坐其下上有鳴  
鳥聲和柔沉陰滿地不見日石池之水光瀏七清霄  
葉落玄鶴舞八月花發山翁留我慚學仙苦不早安  
得御子崑崙丘便當吹笛明月底坐看玉宇寒颼颼  
人間雙桂有如此氣節豈肯卑微休嗚呼氣節豈肯  
卑微休小山之隱兮毋相求

歎息行贈別胡思齊

歎息復歎息志士恒苦辛少日不得意暮年愧其身  
前有尊酒清且旨酌酒奉君君莫止人生最樂在相  
知莫徇虛名輕所弛沛中屠販還封侯揚雄草玄空  
白頭浮雲不盡萬里意白日長懸千古愁南山之陰  
多洞府十年不歸歎脩阻綠蘿芳草澹風烟君獨胡  
為在塵土五雲館前花滿津紫駟蹀躞驕青春春時  
禽鳥各自適燕子低徊還附人江風蕭々吹水急江  
寺鍾殘野鳥集口中吟咏眼看山細雨蒼茫愁獨立  
鄧溪漉々秋水泥見爾令我懽相携酒酣燕坐石盤  
嶺明月正在松林西近聞烟塵起聞廣官軍駟馳日

南上郡邑無人豺虎行道路蕭條竟安往我思舊遊  
湖水東昔者登臨今不同常年九月章浦淨吳霜夜  
落青芙蓉芙蓉花開日欲暮美人娟娟隔烟霧一段  
愁心化綵雲至今飛繞河橋樹今夕果何夕別君還  
憶君古來賢達常坎坷慎爾出處超其群

讀范太史詩賦長歌一首以識感慕之私

麒麟鳳凰不世出我思美人寧有終飄然一去不可  
挽徒令四海歌清風慷慨范夫子行高身益窮讀書  
白雲下養母青山中大布之衣烏角巾於世不悟亦  
不同時來清江弄明月瀟洒絕似商山翁中年徒步



謁京國一鶚矯<sub>匕</sub>飛南東群龍方滿朝怪爾獨來晚  
豈無五色線可補舜華袞當時作者楊與虞倡和往  
往諧笙竽藍田共擬雪色玉滄海獨携明月珠一朝  
低迴去臺閣騎馬南入閩中幕<sub>匕</sub>中三士揔知名江  
海高風動寥廓寒子束髮弄筆時已解竊寫中朝詩  
獨憐生晚墮荒僻每誦製作增連沔峨<sub>匕</sub>百丈遺靈  
阜安得披榛薦<sub>匕</sub>危豆茲晨再讀海康稟玉立踈髯恍  
神覲嗟哉老成今不存箏笛滿耳愁喧<sub>匕</sub>百年氣運  
有屯復月落江南空斷魂

奉題鍾隱君東臯幽居圖

微雨楓林青高堂見圖畫幽人讀書處宛在東臯下  
東臯窈窕綠礪陰藤蘿縛門<sub>匕</sub>轉深是中松檜各千  
尺飛鳥不度寒蕭森山原之居可終日莘野斯人皆  
儔匹清宵甕牖出燈火白石匡床散方帙尋仙學道  
思不窮水邊林下皆清風畫師天趣亦偶尔形迹安  
可求其同白下城東門清溪頗迴抱君家庭前景豈  
遜圖中好年<sub>匕</sub>二月梅始芳亦有楊柳當高墻重簷  
脩竹啼鳥靜落花如雪青苔香東鄰踏歌鳴急管南  
舍列筵愁夜短空將白髮咲寒迂豈識高情在踈散  
先生布袍烏角巾冷然自是仙人二郎早已擅塲

屋孫子亦能歌雅幽磽<sub>匕</sub>頭玉秀而雅總是高門忠  
孝者他年朱紫出清朝翁但築堂看綠野我曹失學  
百可伶聞公高誼心凜然秋風江浦破茅屋悔不歸  
墾山中田祗今東遊興未已亦欲携書尋故里便從  
竹底拾流螢來聽先生誦秋水

寄贈萬德躬時在清江

文章名世自有神詩家之秀今何人豫章特達邁先  
輩一出已絕江西塵乾坤悠<sub>匕</sub>入清曠歎息斯人欲  
誰向清秋鷹隼破<sub>斗</sub>絕白日驂騶動悲壯時携寶玦  
青珊瑚看花調咲當壚姝結交老蒼五六輩議論已

逼東西都功名不來心獨苦却望美人思遙浦月中  
吹笛上丹丘烟際飛帆拂天姥浩然吊古登高臺誰  
能酌子黃金壘石橋聽雨青楓合海門望日丹霞開  
縣中許令高閑者聞子悲歌在林野自躡二履行相  
迎手攀碧蘿卻鞍馬秋風九月吹吳關忽復鼓棹從  
東還匡廬雲錦九千仞<sub>匕</sub>飛落新詩間獨携稚子  
憐遠別草堂臨流故幽絕少年吐氣成紫霓攬髮何  
堪半如雪却從帥幙坐談兵直以精采空鯢鯨樓舡  
東下海波淨劍光夜出清江城由來壯志在短褐空  
谷亭<sub>匕</sub>老柵栝亦知楊子柰長貧豈識相如故多達



長安冠蓋日紛紛，有詔徵賢安得聞。  
白沙翠竹自江島，隔水卧看西山雲。  
我自來西山城中跡，如掃誰家楊柳鳴黃鸝。  
忽見秋霜落園棗，雙溪之水東北流。  
上有繡谷青綢繆，長松遥挂海底月。  
眼明照見樽中愁，愁心復幾何。  
舒卷風中霧，落日斷雲飛。  
令人思玄度，人生富貴須何時。  
莫謾窮愁傷汨之，君行可逐白鷗侶。  
亦棹酒舡遊會稽。

臨碧亭歌

誰能築亭向青山，我欲憇之開苦顏。  
誰能築亭面流水，我欲因之洗塵耳。  
江南萬里秋冥冥，往有勝處無

佳亭盡舡神，消越湖白快馬目。  
斷淮雲青筠州之山，蔚霞綺碧落仙人洞天。  
秉羅君家住碧落西，百尺修亭水邊起。  
我行歎息思見之人，言此亭多勝竒。  
鳧鷖不隔紫荷葉，翡翠只在青楊枝。  
秋來七八月月出，鳳山時坐石弄清景。  
調笙咏新詩，時來憑高一起舞。  
劍影下射青玻璃，又如三月春有風。  
從東來紅花照綠水，白雪飛蒼苔酒酣。  
四顧仰空咲，但見紫翠紛崔嵬。  
城中匝地誇豪富，複閣重甍閼烟霧。  
誰能載酒日論詩，學似君家築亭住。  
我家寄在快閣傍，門前江水春雲長。  
綠蘿間維艤子，靜蓬蒿不剪柴門。  
荒聞君臨碧

亭喜賦碧落歌故園寂寞不歸去柰尔臨碧秋風何  
送焦廷璋之洪

玄冬山谷寒崔嵬北風吹雪從天來居人屏縮不出  
戶子有遠行良苦哉道路蒼茫歲云暮甚欲留君不  
能住仙槎江口石潭深南望不見青楓樹送行却過  
東城頭更上橋西沽酒樓  
前無數白銀關磊落如  
對三神州當歌置酒忽不樂少小無成摠蕭索長轅  
短棹日紛紛山雨江雲謾如昨聞昔尔祖出牧時我  
家大父而翁師清尊畫戟照白髮二老風流如見之  
舊家文物今何在霜露荒七歲年改珠林孫子真可

憐羨尔承宗振光采君家巷北我巷南古藤秋樹寒  
交參賤貧奔走少相聚恁有至樂何由堪昨者誦君  
新句好於我還能慰枯槁雪消南浦柈樓高憶尔離  
愁滿秋草

孫太守伯剛許送趙吳興墨竹圖賦短歌以促  
之

孫侯高堂竹石圖筆意迥與尋常殊山城五月困炎  
暑坐我如對寒冰壺侯言此圖不易得吳興趙公好  
風格昔者親逢落筆時蠶紙寒翻雪花色竹叢隱石  
石作堆海氣亂拂秋雲開夫人當坐共歎息松雪齋



前風雨來承平館閣日多暇承制文章此其亞往事  
蒼茫四十年萬里江南見遺畫當時亦有隴西公直  
以健筆相爭雄豈知書法自無敵况尔勲閥誰能同  
崧也懷賢心未已束髮臨池費千帑可憐生晚墮窮  
荒不見中朝盛才美昨朝會宴池南亭臨圖慷慨思  
吳興停杯憐我重真蹟許以捲贈無難形吁嗟吳興  
不可作孫侯高誼猶堪托便令清曉送瓊枝即掃茅  
堂看金錯

醉歌行贈周仲常歸九江兼柬許天啓湯又新

二山長

奉君千斛酒不盡萬古情但今日七事狂醉何用身  
後留空名漢家當時重公卿天子亦復稱聖明相如  
徒為茂陵橐賈誼終作長沙行聽我歌奉君酒顛倒  
英雄古來有朝客新豐莫帝庭昨日負薪今結綬我  
懷磊隗固不平為尔作歌翻苦聲世無千金賞詞賦  
安得三顧求躬耕君才特達吾所惜暫客風塵未為  
失海鴈南飛羽翻高宛馬西來汗毛赤君家自是山  
東人將相所萃皆竒珍著書未獻明光殿移家早住  
潯陽濱山東迢上隔千里不如潯陽好山水九江翠  
色天邊來百疊雲屏霧中起山自谷兮水有湫昔人

舊遊今人愁風湍雲木石壁下猿猱抱月鳴啾<sub>匕</sub>登  
高眺古頻惆悵壯心飛揚而浩蕩青山不及蒼梧東  
碧海遙連洞庭上秋風落葉何茫然鼓棹直汎章江  
舡黃公灘頭醉明月吹笛絕似洪崖仙我留異縣歲  
華晚客路遭逢謝青眼浮雲相別好相憶白日西飛  
未能挽吳鈞錯落紫綺裘放歌醉舞雲中樓向來不  
盡萬古意寄君遠挂匡山頭君不見鍾陵湯茂才又  
不見宜春許文學十年留滯困江城一日飛騰動寥  
廓昔者之別今何如景星夜粲東南隅君行何以慰  
寂寞南帆一致溢江魚

贈睡仙觀魏煉師歸豫章并柬鐵峰仙者

我忽不樂思西山浮雲孤飛道里艱睡仙之宮隔秋  
水縹緲半落青霞間何年流火如隕石鬱攸煽天斗  
牛赤朱鬣蒼龍天上飛金甲神人露中泣當時煉師  
事遠遊喫酒不到西江頭歸來三日哭灰燼玄猿吊  
月寒啾<sub>匕</sub>復獨乘雲翳鸞鳳贛水南邊謁林洞千章  
喬木闕烟霧逝此伐之作梁棟空山留滯今幾年斷  
礎荒甍淒寒烟堂中老仙髮如雪吹笛日望南歸舡  
南平監州最惜別手挽瓊珂弄明月誓將綠簡授玄  
秘恨不携之覲瑤闕鐵柱仙人鐵峰老鬚眉飄蕭顏



色好一徑清風掃落花千岩碧霧耕瑤草昔曾暫宿  
清隱宮石爐夜看燒丹紅煩君乞與換骨藥明當跨  
鶴長相從

題枯木圖為王子成作

高堂展圖颯寒景古檜峨峨出蒼頂坐上疑聞啄木  
聲空中忽落蛟龍影榦株偃蹇勢迴薄梢節盤拿氣  
深猛尋常岩壑真有此六月炎風為之冷密葉中含  
雷雨垂危標上逼雲霄迥懸猿清秋怯倒上饑鷲落  
日愁相並浦口回舟望北林原頭立馬瞻西嶺劉郎  
此圖昔所畫物色筆勢生雄騁王君得此綺繡重玉

立堦墀見清挺經年烽火萬山赤赭伐還聞到條梗  
天寒荒野霜露白蕭瑟陰風助悲哽豈無千尺棟梁  
具摧絕泥沙竟誰省深山大澤龍虎死慘淡相看愁  
不醒海波萬一解經天亦欲乘槎掠參井

題春江憶別圖并序

往年渝川黃子雅與豫章范實夫相別于青  
原後子雅歸渝川追作春江憶別圖以寄范  
而范則尚留青原未歸也今年將東歸臨別  
以圖示予悵然賦此題其左右

渝川故人黃子雅天機深沉好揮洒往與范君別螺

川馬圖遠寄螺川下螺川東偏呀石缸呼吸萬里之  
長江七流不返客行遠何以使我愁心降是時春風  
散楊柳十里啼鶯勸人酒腸斷逢君復送君買舡夜  
下渝川口雙鳧俱飛今獨遠為子一賦河梁篇向來  
照見惜別恨惟有明月留青天斷磯側鳥秋毫杪肯  
信離愁是中少水生浦叙萬舸集日落天涯數峰小  
故人別來今幾秋落葉夜滿城南樓至今展卷憶舊  
別對之如見春江流嗟君久別何能返霜雪驚心歲  
年晚一春塵土暗沾衣千里松楸終在眼功名富貴  
復幾時林下閑人相見稀飛鴻遠征碧海外春至亦

復思南歸人生離別豈云暫我亦臨圖傷梗汎便將  
高誼謝陳雷從此深情見

寄贈張隱君

仙人身着紫綺裘昨者來南陵州南陵之山高百  
尺中有疊嶂之危樓烟光翠當碧落石瀑飛嶂鳴  
清秋庾公謝眺招不起至今山水令人愁飄然戲笙  
鶴南過三湘去落日下洞庭長歌攬巫楚王臺榭  
杳靄間青鳥飛去何時還三十六天朱陵洞七十二  
峰南岳山娟綠蘿裳嫋臨流女倏忽如飄風白  
波愁日曛重華之琴不復鼓靈瑟年泣秋雨仙人



自是留侯徒口誦黃石相傳書左按鈞天之廣樂右  
接竒肱之飛車魚龍掀舞明月下坐使千古成須臾  
我思仙人碧雲裏再拜揚言慚仰視瑤草春香石洞  
霞白榆夜浸天河水天河流無盡時織女秋髮應  
成絲若過扶桑定相待我欲乘槎浮東海

曾君育駿馬歌

曾君好馬有馬癖昔買駿馬千金直一從徵刷上天  
衢每見流星想行跡今年得馬勝前馬八尺垂鈎汗  
流赭落花風細草如烟時控青絲出原野官中多馬  
勞馳駟得似此馬閑且都朝行疑逐飛鳥沒晝浴恐

與神龍趨逝茲太平麟鳳從此馬自在山林中幾人  
相馬識神駿骨骼卓犖真竒雄溪崖泥盤石角濺戒  
爾圉人勿輕賤青芻黑豆未渠飽錦障金羈竟誰薦  
君不聞幽并馬群五色俱北客長駟愁遠途南來往  
徃凋喪盡似此駿骨一匹無似此駿骨一匹無臨風  
為尔增嗟吁

題李遵道石林秋思圖為劉元善賦

李侯昔牧黃巖州騎馬日向黃岩遊黃岩山下多水  
竹五月海氣凌清秋李侯為政百不憂濯纓日尋南  
澗流興來徃七揮翰墨點染毫末成滄洲此圖精妙

不易得非子好懷誰見收卷舒不窮尋丈間豈止百  
里盤綢繆青山欲盡亂石出赤岬正隔重沙幽星芒  
墮地覺晝立玉氣穿林疑夜浮楓柟偃蹇皮半蝕叢  
灌莽尊枝相蟻長松或擁翡翠幙曲蔓亦罨珊瑚鈎  
深岩欲雨雷電入古路無人魑魅愁峰迴阪折見脩  
竹萬籜搖動寒蕭颼仙娥鼓瑟環珮合壯士臨軒戈  
戟道雲巢隱<sub>匕</sub>出猿狖雨葉渺<sub>匕</sub>啼鞦韆天台鴈蕩  
日落外相水蒼梧天盡頭風烟滿眼入慘淡霜露在  
野行夷猶乃知托興屬幽遠苦心拂鬱奮獨抽當家  
父子風格好似此更以神情優只今海內重寸紙光  
價豈止琳與璆平生愛畫少真跡見此令我消煩憂  
秘書內府那得致願子慎藏思剗丘乾坤浩蕩文物  
遠嗚呼李侯今罕儔

宴集洞山寺分韻得見字奉東丁克誠顏中行  
王敬仲帖德裕枯林上人

洞山之陰鬱葱蔭上日開筵集群彥入門已覺禪境  
曠放懷且慰書慵倦石林秋風晚更急山城野色寒  
初變長松挺拔各千尺墜葉飛來時一片雨垂弱蔓  
當井角泉引青苔入堦面移床曳屣各散漫接句行  
杯自流轉交挂卑枝白紵衣疊歌細草輕純扇雲開



絕壁霞隱明風度危梢露驚濺楸梧莽蒼誰氏塚雷  
先塚在馬金碧輝煌梵王殿百年荒廢足自惜昔  
者榮華竟誰羨田園閒日思把耒淮海經時尚傳箭  
共嗟寇盜困徵發深幸羈窮及談讌感君相與重意  
氣使我頓欲忘貧賤天外清風似流水林端落日如  
紅菡豈知驅車復為別願得載酒頻相見醉醒聚散  
安可常悲吟悵望西飛燕

題常棣鵲鴿圖短歌為曠伯達賦

曠郎示我鵲鴿常棣圖冰石盤激花芬敷尋常林澤  
總慣見何以令我增嗟吁知君有弟在鄉邑少小別

離憂患集經年不省瘠與肥却望南雲泪沾臆曾不  
如常棣花榮悴開落同根枝又不如鵲鴿鳥飛鳴行  
搖以相隨我思古之人無若周公旦安寧與急難往  
往寓悲歎君獨奚為長道途胡不來歸兄弟俱蓬豆  
蒲筵酒滿壺兄醉弟舞歌鳴七歌鳴七樂無央堂前  
花開棠棣香鵲鴿來巢春日長

題唐子華江干幽居圖為余子芳賦

山風不作衆壑靜江雨初飛入寒暝綠浦迢七碧草  
交丹崖窈七青林金金牛石前螺子岡子行何時歸  
故鄉野航把釣秋水迥江亭讀書春晝長

顏明德自全椒避亂歸安成道過瑞陽悵然賦別

鳳山七頭日欲暮北望風塵暗行路喜君近向全椒  
來別我將返青原去倉皇面目帶風日顛倒衣裳襟  
霜露投身幸從異境脫執手且慰同鄉聚比聞衝斥  
劇豺虎汝穎徵兵急救捕繻符嚴詰千里道戈甲紛  
填九江戍主人念客苦留別立馬不發空愁顧歸心  
早逐匡山雲愁思空迷錦江樹驅車南出清江曲三  
日風帆快馳遡遠遊無方古所戒菽水怡親竊終慕  
我貧未歸不得意感子于我今相遇未能呼酒一澆

滌祗以軟語相溫煦空山落葉慎行李極浦蒼葭但  
烟霧殘年舊隱如可尋思君更詠閒居賦

送李元忠歸彭田歌

自為筠州客喜識同鄉人顏君高邁楊子淳李也俊  
逸迥絕塵令我一日思再親見之歛然愁恨伸水邊  
行吟月下坐意度徃七清而真昨者相携登鳳山酒  
樓正對桃花灣錦江西來春波碧乃有鷓鴣鷓鴣蕩  
漾當其間此時與子初為客咲指青山歸未得有約  
殘年共汎舟要看三洲雪花白雪花未飛冬又春子  
行車馬何轉七姑蘓公子自好客况是東南賢主賓



惜君掉頭不肯住送君却望城南路江霧寒深橘子  
林吳霜夜滿丹楓樹今日何日朔風吹衣子不我思  
翩其先歸河梁携手行依匕筠州故人從此稀黃塵  
出沒烏帽遠寒鴈杳匕隨人飛鴈飛南北安可期客  
行最憶重逢時高梅始花已爛熳對酒不飲將奚為  
君不見古人抱才或未遇亦復低迴歎遲暮不乘駟  
馬蜀西歸豈信相如好詞賦君才滾匕不可嬰母以  
離別傷其情匣中干莫時匕顧即恐飛騰雷電驚

題平川雪霽圖為張用可縣丞賦

南天北風暗吹雪川上遙峰互明滅雲陰欲墜曉光

迷河流不動層冰結魚龍下蟄深澤冷鴻鵠啼饑眼  
流血千村萬落連蒼莽驚沙枯樹相淒切行人稍出  
皴手足悵望林居總愁絕我家邈在武山東屋前石  
岬多青楓野橋渡溪沙路遠皆與此圖風景同窮年  
念此政欲返寒色恍入虛庭中長鑿斲藥畦谷滑短  
褐負薪環堵空閉門且尔暫投息會見日出光曠匕  
題楊奇琛所藏山水圖歌

我本白雲人愛住青山下五嶽尋幽未憶歸穿岩歷  
壑窮秋夏曾看絕壁明高霞秀色照耀金蓮花洞前  
遠訪丹泉井谷口時逢白鹿車鹿車東渡溪流淺瑤

草春香綠如剪海門日出天鷄鳴手接飛蘿上層巘  
是時笙鶴從天來徑欲浮海觀蓬萊雲路微茫波浪  
闊使我嘆息空徘徊十年汨沒塵埃裏却看丹青心  
獨喜問君何處得此圖彷彿林巒烟霧起雖無秀絕  
凌衡岷點染亦復窮其真深林修竹草亭靜似是水  
邊修禊人蒼苔白石臨流路亦欲相呼抱琴去晴天  
指點北飛鴻應識雲中舊行處

送別楊竒琛歸桐江歌

朝別李元忠暮別楊竒琛各言故鄉久離別使我歷  
亂空愁心愁心忽如江上風不可憑御誰能窮南行

浩蕩一千里吹雪徑度青原峰我生少小輕鄉井獨  
以羈窮寄形影經時負米未能歸何待他年愧衲舄  
閒來思種東村田青山欲買羞無錢携書強聒附童  
稚客中相顧誰相憐楊郎本同郡文水鍾竒故  
才俊芳年初發春江長勁氣已逼秋崕峻讀書東家  
不下樓手寫細字如蠅頭長懷丹關陳三策獨抱遺  
經窮九丘春風二月驚初見伯勞東飛遇西燕鳳山  
祠下月如眉明綉樓前水如練看花把酒能幾時念  
子還鄉從此辭城頭烏啼北斗曙飛霜已落青梧枝  
桐江東南符山嶺聞子幽居好林景千年古劍合神



機光射玄潭黑風冷子歸何時當再逢只恐睽隔勞  
憂冲江淮風塵眯人目我亦遠尋麋鹿蹤

題吳教授所藏黃太癡畫松江送別圖

是何山莽<sup>匕</sup>以橫雲水浩<sup>匕</sup>而生風天低江迥日欲  
落別意乃在蒼茫中問君此圖作者誰浙東老人黃  
太癡松江先生舊知己眼明為寫秋江姿重坡歌岬  
東南遠木末參差見層巘蒼浦遙連楚澤深石林畫  
帶吳堤轉是時先生從此歸把釣欲拂雲中機長風  
過雨蒲葦淨水色淡沲沾人衣只今又作筠州客惆  
悵松江渺雲隔離思猶迷鴈蕩烟歸心已歷洪崖石

我思太癡馬得從筆墨往<sup>匕</sup>遺竒蹤草衣騎牛髮如  
雪吹笛憶過天台峰平生一筆不輕許傲睨王侯咲  
塵土展圖坐對鳳山青却想高情動千古君不聞功  
名利達能幾何長安離別日日多灞陵亭前春草碧  
灞陵亭下春風波

廬仙壇歌

我思昔人有廬仙冥栖乃在三碩巔後來乘雲去不  
返荒壇委絃成千年壇角峨<sup>匕</sup>石色古上隔青天應  
尺五飈車笙鶴時下來白日松梢度飛羽雲霞東南  
五色開當時舊宅安在哉林間馴虎去已久池底神

魚呼不來我慚學仙苦局促十日尋幽憇林麓月中  
縹緲見乘鵞示我玄文不成讀中峰積翠凌紫冥下  
有流水聲冷七丹崖千仞不可陟黃葉滿山秋露零

題紈扇畫景贈易茂才

故人高興蟠雲林門對三山之碧岑却憶秋風相遇  
日溪口繫舡黃葉深石潭買魚雨暮七松岡躍馬烟  
沉七翠屏千尺天上落十日縹緲窮登臨當時感激  
戀岑寂常恐寇盜相凌侵落霞遙憐烽火赤白雲獨  
擁高崖陰復忽山城五月暑思挹風露清煩襟偶持  
紈素寫秋樹已覺幽思迴蕭森天清遙見寒澤鴈日

落如聞秋岬砧寄君重寫千里意感我昔別多愁心  
交七林間雙鳴禽臨風忽來遺好音青松白石可娛  
老從尔唱和山中吟

憶昔行羨達監州

聖王端居總四夷黃河安帖東南馳明七政化若流  
水禍亂之梗誰階基咄哉事變異往昔簧鼓邪說非  
寒飢囂然揆兵起田里誅殺長吏為妖魑絳繒烈火  
照山谷摧陷焚劫何紛披絕淮渡江狗荆楚千里一  
槩同傾危漢江宮樹三月赤黃鶴低逐南飛鷗達官  
貴人履霜露寶玦夜墜珊瑚枝荒山日落騏驎病極



浦天寒鴻鴈悲南平百里據平行豈有險阨當城池  
紅塵一騎傳警急白日萬口悲流離我侯世臣之子  
孫出監茲郡貞而慈憤呼歛起艱危際揮斥義勇如  
家兒指天出誓肝膽露颯爽風吹玄武旗內防外拒  
張籌策恩義結民民感之鼓聲徹雲戟闔出往有死  
志無生期坐開黃堂受俘馘太守自擁將軍麾風霆  
氣震隨闔闢秦華壁立無偏歌旌旄不動曉色淨刀  
劔錯出天光垂帳前耽耽立虎兕府中矯矯趨熊羆  
蒼茫殺氣薄雲漢鴈隼奮擊當其時龍洲沙平萬馬  
集草中白骨高於坻窮冬霰雪自摧厲晴日柳梅俱

華滋此邦不隨風景異閩郡實荷賢侯私上連崆峒  
倚南極下決滄水開東陸風塵豈止廿四郡平原義  
士真吾師褒功會蒙天子詔頌德早見邦人祠我瞻  
四方何感也經濟允藉英雄姿時平撫事增太息再  
歌憶昔陳苦詞意長歌短不自己太史萬一觀民詩

題曾氏所藏歷代青微法師像圖

素陽真人仙者徒示我列仙之畫圖霞冠雲鬘玉雪  
膚一七神采浮雙瞳克如天府琳球腹清如逸世山  
澤癯儼如佩玉當朝趨矯如跨鶴凌天衢周流天地  
超有無顏色不動精神俱最後幅巾疏眉鬚云是真

金村翁先生詩選卷之四  
十一  
人昔者之所摹上窮元始下玄都一本萬派同而殊  
形隨粉墨窮錙銖氣與風霆行八區我慚生晚墮儒  
迂學道不解凌蓬壺擬從真人乞靈符高飛願逐雲  
中鳧前有作者邈已踰欲往從之云何盱青城天台  
西南隅雲日光射金芙蓉三十六管吹笙竽非君和  
之誰與娛

送顏用行歸吉水併柬康隱君

文昌進士顏夫子昔在筠陽最知己春風携酒上坊  
樓秋雨題詩洞山寺當時結交翰墨場共言意氣傾  
侯王豈知風塵各驚散此地不得同翱翔君今只在

瀘源上我亦南還竄林莽奮交零落海雲空夢裏驚  
呼色悽愴往者山寇攻瀘源義門百口今誰存况聞  
親庭抱永痛妻子夜哭沙田村欲歸無家出無僕兩  
羊訪我城東屋長林春暝風雨交此日窮居轉愁感  
柴門苦竹惟鳥啼流水繞屋生春泥苦無一錢沽酒  
飲坐據寂寞如枯藜鼓笳連江清夜永短燭孤帷吊  
形影野麥陵陂老鴈飢寒風動竹枯螢冷知君豪宕  
輕黃金感時亦復憂沉七青雲若負壯士志白日難  
照愁人心誰能短衣事騎射空遣悲歌淚盈把却望  
文昌從此歸東行定過匡山下匡山先生髮如絲十



年不出真吾師便須晏歲荷短鍾共來山中尋紫芝

寄贈劉仲修

我昔東游紫瑤峰手携仙人九節筇天寧講師好靜  
者邀坐絕頂看雲松是時從君槎溪來石室相逢心  
眼開題詩忽滿雪色壁仙樂晝下蓮花臺石橋流水  
聽猿處絕似天台赤城路不見山中王子瑤吹笛自  
入浮雲去感君萍蓬無定居幾回寄我雲中書緘藏  
懷袖不忍發愁心烟七明寒虛東南喪亂垂五載昔  
者交游竟誰在清江碧嶂落日外修竹啼鶯久相待  
徃聞親庭阻歸舟書來可以寬離憂官舡何日出川

口早晚相迎金鳳洲鳳洲瀟條歸未得經年寄食江  
邊宅早春艤棹憶曾過行踏江沙雨中別君從二月  
來南平我復鼓柁從東征城西王郎竹林下懷我無  
限滄洲情如何相尋不相遇空使愁心結烟霧春風  
吹盡碧蘭花愁滿西軒綠筠樹昨者臨流別遠人忽  
憶舊遊心更親便當買舡載歌舞從尔爛醉江南春  
將歸南平賦別羅斗明

五月辭滕閣南舡遇北風故人一相見乃在大湖東  
湖東無數垂楊樹執手殊鄉驚忽聚迴歌沽酒豫章  
樓且復維舟為君住憶我徃年遊瀨川城南日出花

如煙龍王潭上釣秋水大傳岩前聽瀑泉洞門盤七  
萬松引更愛靈山石如筍當時題句最思君南海雲  
濤隔飛隼何年海上却東歸栖息瑤岡掩素扉春雨  
歌殘紫芝曲秋風吹老綠羅衣南州蕭瑟風塵起躍  
馬提兵從此始野狐不敢向南號寶石峰前陣如蟻  
知君卓犖負奇才離亂相逢心眼開綉衣使者入閩  
海攬轡定覓君同來龍沙吹雪日欲落旌陽仙居久  
寂寞人生富貴徒爾為須把高懷付斟酌我有古劍  
青芙蓉起舞莫惜千鍾空明日開帆上江去思君却  
望水西峰

題龔本立所藏燕文貴雲岫圖歌

豫章龔郎好文雅錦軸牙籤滿書架示我春雲出岫  
圖云是燕公之所畫高堂慘淡開林丘青峰赤谷爛  
不收長風浩々起天末萬壑青雲如水流松根石頭  
伏羊虎松頂垂蘿綠如雨伊誰濯足望青天絕似東  
歸孔巢父匡廬巫峽相渺綿三湘七澤俱可憐冥鴻  
蕭條洲渚斷風帆杳々歸何年吁嗟燕公真絕筆好  
手當時稱第一殘縑猶帶汴京愁墨色蒼茫映寒日  
城樓六月烟塵黃我亦看雲懷故鄉思君如憶圖中  
景應過水西尋姥岡



題邊長文所畫山水圖歌為常伯敬賦

五月炎風扇長夏黃埃撲面湖堤下山水娛人未擬  
歸擷蘭軒裏看圖畫中峰九疊開芙蓉春雲盤上  
高松苔迳未逢秋雨屐石樓似聽霜晨鍾飛鴻指點  
向何處彷彿經行舊時路懸岩瑤草不知名隔水桃  
花自千樹問君此圖作者誰甬東邊郎風格竒丹岩  
綠水照白雪高興如在鍾山時鍾山岩峽夾雲起六  
代繁華付流水芳草長懷北固遊啼鶯曾識東山妓  
當時二謝聲價同登臨到處遺高風釣魚衝雪寒江  
上騎馬踏雲空翠中只今南遊歸未得日七臨圖看

山色鳳凰一去來何時落日荒臺夢江北

題邊長文為黃子邕畫雪舫齋圖

簫峰隱者黃子邕綠眉秀頰雙青瞳雪中曾踏溪南  
石坐聽簫聲雲霧中懸崖路轉愁獨往結屋溪邊小  
於舫絕似山陰王子猷夜半乘流入虛朗朝歌綠水  
憐芳春暮歌黃竹哀時人長風遠從海上起劃見六  
合無纖塵新城往年兵革起林杪高軒化荆杞東湖  
湖上遇邊郎為寫幽居雪山裏千崖凍合凝夕光江  
鳥不飛沙岬長別浦維舟初罷釣深簷卷幙更傳觴  
簫峰遠在青天外玉樹蕭森澹相對疑有飛駟駕白

乳飄搖下與群仙會仙人一去不可呼此境欲往愁  
荒蕪炎埃六月何由濯日倚湖陰者畫圖

題余仲揚畫山水圖為余自安賦

金華仙人余仲揚筆墨蕭颯開老蒼昨看新圖湖上  
宅烟霧白日生高堂層峰上蟠石鳴也絕島下瞰江  
茫也長松並立各千尺間以灌木相低昂松下上人  
坐碧草秋影忽落衣中涼囊琴未發弦未奏已覺流  
水聲洋洋也赤城霞氣通鴈蕩巫峽雨色來瀟湘誰能  
千里坐致此欲往久歎河無梁風塵漲天蔽吳楚六  
羊悵望神慘傷玄猿苦啼岩北樹白鴈不到江南鄉

赭山焚林絕人迹如此山水非尋常此圖本為自安  
寫亦感同姓悲殊方幽軒素壁泉聲動對此令我心  
為狂何由捫蘿逐麋鹿振衣直上雲中岡登臨一寫  
漂泊恨長嘯清風生八荒

林森山水圖歌

清江何人畫山水西村無傳稚川死林生後出更清  
逸筆法遠師閩浙士深林大樹交鐵柯遠峰近巘分  
陂陀青天層峽見棧閣落日平湖聞棹歌水邊之亭  
絕瀟洒更看平橋度羸馬千崖小徑雪邊分百道飛  
泉雨中瀉自言筆法由心運墨色重敷者深潤碧海



春雲動杳冥，泰華秋空入。雄峻昨者相逢，湖水上聞  
築幽居，傍漁榜為君先賦。菜菱篇答我新圖，迥幽曠  
圖中好山千萬重，還似閩中似浙中。祇今欲往河梁，  
絕指點天末窺冥鴻。我家茅屋珠林底，武姥仙壇兩  
相峙。河時為寫看雲亭，盡染西原雪華紙。

題屏岫幽居圖為萬砮賦

秋屏列岫之間，乃有萬氏之圃。幽人之居，門前青柳  
日繫馬池上。紫萋時釣魚，前年塵起龍沙北。萬氏林  
居，搃蕭瑟楊君好事，惜竒勝為寫池亭。寄秋色兩松  
落七千尺長，高雲不動江風涼。誰能低頭事權勢，便

思濯足歌滄浪。東南連年困兵革，人生安居那可得。  
向來華屋今誰在，忽憶舊遊心慘惻。君不聞王維別  
業孟城隅，亦有亭館臨歌湖。當時勝迹逐雲往，至今  
傳得輞川圖。

題常伯敬擷蘭軒歌

高人好幽栖，志不在華轂。嘯歌擷蘭軒，俯仰無不足。  
湖之水兮湘之山，悵余昔遊始。東還澧有蘭兮沅有  
芷，言擷秋芳渡江水。蒼梧黯慘浮雲重，帝子遺廟丹  
青空。長洲極浦落日外，坐見千里生蒿蓬。靈氛掩淚  
歌九歌，夫君不來愁柰何。資義克情艾盈佩，玉玦捐

棄江之沱江沱隔絕秋風早綠葉青  
紫莖好露華香撲芙蓉裳佩服從君  
可終老我有猗蘭操塵土混濁久不  
聞為君彈一曲要使六合揚清芬揚  
清芬覲九嶷舞干羽三苗來洞庭無  
波春草香却掉木蘭遊三湘母使下  
女徒悲傷

題沙村江樓歌為劉方東賦

朝遊雲亭夕憇鳳岡河水浩  
山蒼白虹東來盤九曲日出霞明見  
秋綠雕甍碧瓦歛飛翻百尺層樓起  
林麓樓中仙人烏角巾調笑日與雲  
山親滿筵歌舞客如霧中有萬斛江  
南春昨來登臨九月暮落鴈

橫江隱霜樹錦袍夜冷燭光殘北斗  
欹斜挂瓊戶我欲援君綠綺琴為君  
一鼓清愁心白沙翠竹自江路金谷  
銅駝非故林吁嗟昔賢困羈旅仲宣  
能賦終懷土何如對此日高歌手挽  
松蘿看烟雨東南射虎日紛七幾時  
書劔罷從軍鵝鼻峰頭望明月鷄栖  
潭上釣寒雲

賦白紵詞贈曠伯達歸豫章

吳姬十五鬢初結白紵新裁光照雪  
手折芙蓉上彩舫自唱吳歌送行客  
玉盤饌列魚與鳧美酒絲絡黃金臺  
江寒月出惟未極城上霜飛啼曉鳥  
唱吳歌



白紵拂袖當筵為君舞井闌絡緯方悲啼還念寒機  
織成苦京城綿綉段名都金縷衣一時服飾豈不華  
歲晏漂落當何歸朔風吹塵撲人面歛袂褰裳淚如  
霰君行莫忘當別時妾心皎皎難自持

題山水圖贈興國高多營將黃進賢

遠山亭上削蒼玉近山盤上出平麓林生作此最奇  
絕白日高堂坐空谷上中出雲上天深林曲澗迴  
清妍綠蘿初挂紫岩雨碧樹盡含秋浦烟北屯將軍  
舊知己看畫尋幽心獨喜為卷窓間一片雲送君更  
渡藍陂水藍陂山前霜葉黃亂峰刺天如劍鉞何當  
盡掃豺虎穴與子巢雲歌鳳凰

題胡典史所藏簡天碧西山南浦圖

草堂高人好奇古手卷畫圖橫尺五云是簡君之所  
為歷上西山與南浦鴈原鶴嶺紛孱顏春水亂入螺  
獅灣章江楊柳綠如霧滕閣正在蒼茫間真上官舫  
北來遠風力漸紓帆漸捲天低白浪驛亭孤雲換黃  
牛拖樓轉城中酒樓喧管弦歌女能舞花如烟菰蒲  
落日鳧鴈晚風浪杳渺嗟何年反思往時寇圍急列  
艦旌旗半江赤官軍血戰龍沙屯東北人家半荆棘  
為君指點尋舊蹤我思簡君安得同高堂酌酒歲云

暮如見積雪明東峰只今風塵尚蒙翳對此酣歌一  
獻款豐城龍劍今有無亦欲看雲望奇氣

巢雲歌為張彥昇賦

君從匡廬來歎歌白雲卿白雲千疊可攬結九江秀  
色何蒼上雲之來兮茫洋雲之去兮不可以將觸石  
而起隨風飄揚問君結巢向何許洞門遙架三石梁  
薜荔為藉蘭為房明月為佩青霓裳飄然遠在天中  
央手招雲中君為我吹笙簧朝日射五色爛然成天  
章將西息乎崑崙之墟南憇乎天台之陽予以卧八  
極遊四方錦屏倒照秋水光雪片吹落瑤花香俯視  
六合中烟塵浩茫上泰山忽破碎海水成枯桑燕鴻  
越鳥無定栖鳳凰麒麟安可常我欲呼謫仙拾瓊芳  
援斗杓酌桂漿却上匡廬望三湘上水深九嶺長雲  
之巢安可忘

送張知事之廬陵

忽不樂兮心慘悽聞君移家當遠睽手牽稚子候慈  
母路出龍洲鶯亂啼江烟冥上江水綠綵鷁班上照  
春服落花到處蕩迴風楊柳人家金沙麓問君此別  
來何時南平父老多遺思亂離欲定乃去此念昔艱  
危親見之茫上江海悲遊子抱劍何因報知己狂心



欲逐北飛雲夜下神岡渡江水江水深七愁人心憶  
君安得窮登臨我家茅屋珠浦曲薜蘿紫霧屯秋陰  
憶在竹林西迴舡聽江雨載酒看花醉不歸十里芙  
蓉爛晴嶼浮雲飄忽東北來昔者嬉遊安在哉豈知  
今年復遠別使我歎息青霞杯君持青霞杯聽我歌  
古調歌聲激烈君不聞手撫琪花向天咲向天咲送  
飛鴻我還山南君向東出處悠七安得同明日看君  
螺子浦思君却上引龍峰

經武山望虎臯峰愛其峭拔賦詩一首過南溪  
東蕭鵬舉

我行武山南向西岡巒迴伏當武溪孤標上撐出虎  
臯落日東射雲中霓武山勢高如卧几後巘前峰互  
盤峙浮雲獨抗九千丈異縣相望百餘里金華越臺  
方殿奔大小尖星安足論武仙綠髮挂瓊樹手挹太  
白開天門亂來尋山苦嫌淺石室何年闕苔蘚明日  
南溪訪故人定接飛蘿上層巘

題溪山春曉圖寄贈蕭紳

土山戴石七角傾偃樹雜出如幢旌青天微茫曉色  
動雨氣合沓千峰晴野橋西邊有村路之子鳴鞘踏  
雲去重岩花發似聞香隔水鶯啼不知處東南連年

飛戰塵如此山水何清新石田到處長荆棘豈有荷  
耒春耕人我昨西遊登武姥手扶雲霞望仙府把酒  
忽逢東海生醉卧溪南紫蘿雨紫蘿陰上覆岩扉十  
日尋幽行未歸雲峰流泉半空落六月飛雪沾人衣  
拂衣歸隱知何日却對畫圖心若失不聞流水渡溪  
還時見浮雲向山出懷哉桃花脩竹林江海秋高烟  
霧深豈無耕釣在田野誰識悠悠沮溺心

寄曾郁文短歌

澄江水向東流上向東昌江上頭我有故人在江上  
十年不見增煩憂白沙水聲寒活上黃岩雲氣凝清

秋豈無沙棠柁吳女謳可以載酒同遨遊狂風吹山  
波浪惡使我不得迴輕舟上雲中雙飛燕嚙書寄  
我頻留戀書中展轉道深情但恨相思不相見春燕  
飛來秋復歸報書不遺壯心違碧蘭蕙何由採即  
恐蕭條霜露稀

題曾郁文所藏山水小景

隔溪望見林間屋沙渚陰上俯群木溪流合處一橋  
孤春雨來時萬山綠江南此景真可憐米家筆意誰  
能傳却憶故廬珠浦上短籬長繫釣魚船

題春江送別圖贈謝可用歸寧都



我欲留君遊武山君不肯住從東還貢江盤迴三百  
里南望政在飛雲間飛雲若繞蔚霞綺似向金精洞  
前起老翁白髮動春風夜七悲歌夢遊子君從何時  
辭故家江國颯沓愁風沙西里霜凋碧梧樹南園雨  
落青桃花知君慣作公侯客五色文章振高翮南平  
江上一相逢十日題詩楚王宅豈無東山屐携子遊  
雲中錦袍飄然不可挽驚雨夜逐南飛鴻江烟微茫  
江水綠陳帝祠南樹如簇畫船東下雙艣鳴岬轉沙  
迴見林麓圖畫不可盡送君從此歸石苔已迷舊行  
迹山色白滿幽岩扉我登武山雲君美貢江月重逢  
何處躡飛仙却望青天白雲關

賦澄江月送別

澄江七水清且深明月下照愁人心浮瀾淺浪驚不  
定當空湧出千黃金此時使君宴高閣坐愛流光入  
簾幙牛磯風定翠旗翻蛟窟天寒寶珠落長洲菁七  
杜若生送君東下歌揚舲題詩若過舊遊處月色江  
聲無限情

贈別鍾舉善遊贛遂之汀州歌

彈哀絲噴雙竹四座佳人美如玉鍾郎半醉起就別  
杯行苦遲聲轉促高堂列筵當翠微惜別更舞青蘿

衣雲開日色酒中墮風觸歌塵梁上飛君行顛灘十  
八重臨眺可以登崆峒萬山如浪壓城郭鬱孤正瞰  
江流東兩江盤七石爭長東行入閩西入廣益花雪  
白荔子丹天際船來海風響君家始七好弟兄况有  
詞翰齊清名出門相送一為別感我無限幽居情山  
中香秫秋熟時苦竹作筍池魚肥我在南溪小樓上  
調歌醖酒待君歸

題蕭鵬舉所藏草蟲雜圖

鬼車團春米囊折萱竹細桃紅迫迮牽牛花碧露初  
墜枸杞子紅秋可摘青菘赤芥碧玉葱攢英濯本當

蒿蓬羽衣淒切自絡緯蝸角低昂方戰攻蜻蜒頭圓  
赤色尾亦有纖七綠羅袂草行蜥蜴金背爛升竹盤  
擎更貪噬青蛙支頤目睥睨黑甲推車七倒行螳螂  
怒臂乃當輟蜂螳君臣誰敢爭愁來對客看圖畫似  
向芸窓箋尔雅丹青宛變歸動植風日晴和到田野  
吾聞夏后德所形昆虫草木皆清寧苕華芸黃星在  
雷卷畫歌詩雙淚零

題雲山圖歌為武山胡煉師賦

山中之人兮雲為徒飄搖太虛中其迹安可拘朝溶  
溶兮山巔夕洩洩兮山隅長風吹度東海上遙見樓



閣青糝糊憶登武姥之高岡遇仙人兮白霓裳方瞳  
綠鬢顏雪色自扶鳳竽吹洞章凌空欲度三石梁中  
天北斗何蒼々俯視六合驚塵黃金華玉華相渺茫  
浮雲滿地飛不起但見白石磊々如駢羊永豐劉郎  
稱畫手為馮仙山傳不朽高堂白晝起烟霧指點林  
巒辨窓牖圖中如此兩古松歲久乘雲應化龍弱水  
東浮會相見長歌手把玉芙蓉

題幽居讀書圖為蕭翀賦

吁嗟乎中谷抱吾書以歸來兮於焉以讀谷之陽兮  
雲之麓峰盤々兮石如玉我居孔幽兮翳彼嘉木遐

思占人兮言紬其積載詠載歌以悅我心白雲在天  
清風滿林世昧々以去古今禮樂散而莫尋探禹穴  
之宵々兮望龍門之高深林有鳥兮溪有魚尔飛尔  
潜兮我讀我書以卷兮以舒樂哉弗諼兮山中之居

題抱琴聽泉圖為蕭翀賦

吁嗟乎空山抱余琴以來歸兮吾將以彈山之窪兮  
石之端我其聽之兮以寫猗蘭按余徽兮作復止風  
冷々兮觸宮徵泉之流兮雲中漱鳴玉兮聲淙々忽  
幽咽以下愴兮匪絲匪桐啼秋猿之嫺々兮下南飛  
之雙鴻山中之人兮不可遇余徘徊兮中路九嶷蔚

今隔烟霧我思南風兮憶其遲暮

贈吳生九成攸州石橋人避地廬陵

吳郎去亂八載強求友讀書心不忘偶臨白鷺看流水却望紫鱗思故鄉故鄉湘南百餘里明月千村照荆杞石橋山北多園田花開會見歸來年

題劉孟文雲林圖

洩上野服峨上雲冠飄然而往安可呼我欲致之青雲端青雲忽其渺綿行深林兮望秋天撫瑤琴以歎息拾春蘭之紫鮮嗟哉若人志鴻鵠伊誰寫之在空谷向來腰間兩龍劍至今光截藍田玉昨朝遇我城

西曲縱飲流霞動千斛醉歌李白董糟丘三日驚風撼其屋我行駕鹿車南游訪名山絕頂見長松世人安可攀水東天玉青孱顏遙見洞岩烟霧間春風為報桃花發與子其中叩石關

奉和王誠夫短歌一首

王君精神秋水清作詩鏘上鸞鳳鳴昨朝遺我長句好感我無限滄州情我從亂來少相見闊絕朋游恍生面烟濤浩洶驚瞋作風葉縱橫颯交戰人間富貴多煩愁海上神仙安可求不如高樓飲美酒明日萬事方悠上羨君才名三十載夕露黃花向誰采荒城



滿目尚荆榛落日登臨一長慨愁來忽聽南山歌  
裊歸心懸綠蘿江上月明今夜發為君擊楫舞泉阿

醉歌行贈曾舉正

歲云逝矣不可留空谷群木寒颼此時高堂對樽  
酒非子何以寬離憂溪山蒼茫延清望瑤樹瓊林儼  
相向殘雪初消薜荔墻晴雲忽擁芙蓉嶂杯行苦急  
歌轉催鼓聲浩蕩如春雷亂離飄散少惟聚慎莫負  
此黃金壘平生結交徧江郡晚得蕭翀喜清俊人生  
最樂在知心况尔才華更風韻當筵起舞相低昂為  
子一飲空千觴功名富貴等腐鼠底用覲上空愁腸

蛟龍何時起寒蟄溪南昨夜春風入春風花開岩谷  
紅期子來遊歌咲同高霄武姥好泉石題詩却徧白  
雲中

賦澄江贈友人別

澄江之水清如油春瀾漫光欲流微風忽動白鷗  
渚明月正上金魚洲前美人綵舟發起唱吳歌踏  
江月別愁深淺君自知江流不斷長相思

春宴曲

大鼓作鼙鳴美人花間相對行忽聞橫吹座中起吹  
出雙七鸞鳳聲鳳聲微茫作復止飛入青天綵雲裏

當筵盛酒全屈卮酌酒勸君七莫辭不見堂前桃李  
樹昨日花發今空枝東家作官鬧車馬西鄰從軍能  
騎射一生長客邊塞間芳時不在鄉國下何如載酒  
鳴雲和手折山花行唱歌少年有酒不痛飲白髮滿  
頭君柰何

風箏曲

緝麻合線長百尺要繫風箏待晴放有風湏及清明  
前作得鮎魚愛新樣全身糊紙竹縛匡兩旗橫張垂  
尾長手中緩放莫教卷風力漸舒飛漸遠猶嫌平隴  
去不高走上山頭如掣鰲盤空一點正搖曳欲墜更

舉何滔七時人勿用旁驚睨質薄材輕等兒戲乘時  
容易上雲霄失勢終然在平地明日落花七雨寒過  
却清明風力闌蕭條斷線挂虛壁溝中破紙無人拾

題趙子深秋山風雨圖

趙君大醉始作畫昔在清江常見之此圖爛熳倒墨  
汁木石滿眼何瑰竒高堂蒼茫風雨集虎穴龍湫恍  
深入目斷東南生遠愁鴈鴻塌翼行雲濕

二月十八夜辭屋歎

城狐瞋噪烏啄木主人驚呼夜辭屋忽聞官軍破城  
府號令新傳大都督火燒排柵照夜光饒軍奔潰人

劉差... 詩選... 卷之四

十一

庚



馬傷快船直上春水發明日軍來安可當貧家無時  
走軍馬少在家居多在野斷垣未補棘遮門敗壁無  
泥雨飄瓦去年同行二十人今年一妻兼病身弟兄  
飄散兒女喪投杖欲往還逡巡人生辛勤理門戶暫  
去那能不回顧開花不得待人看憤殺墻東舊桃樹

東家嘆

東家盛時厭卑促拓地四鄰起高屋亂來怕見門戶  
大還撤屋材作薪賣憶昔東家全盛時代材作屋窮  
工竒上指雲霞起觚角下斲山石開垣基椎牛醢酒  
萬夫集華館重樓事雕飾粧成明鏡動春雲宴罷珠

簾夜光入當堦血色射錦茵門前駿馬驕嘶春強奴  
悍豎擁軒蓋過客俛首方逡巡一朝亂離俱散走大  
屋空令別人守近圃偷殘舊種花南池伐盡新栽柳  
風椽雨壁何披離綺戶白日橫珠絲昔人強作金石  
計此日謾同螻蟻悲全家遠去無遺孳日落鼙鼙嘯  
飛葉離々烟草門巷空時有鄰兒拾簷鐵

寄贈陳侯短歌併柬項性高陳宗舜

陳侯昔尹興國時為政喜尚清而夷訟庭無人山鳥  
下吟鞭日挂甘棠枝聞君佳譽喧兩耳玉樹亭上照  
秋水至今父老稱誦之滿縣春風散桃李錦袍羽箭

烏角弓身騎官馬如飛龍只今出入宰相府帳下貔  
虎皆駭雄羨君多才仍好武輕騎能衝陣如雨酒酣  
肝膽向人傾起拂吳鉤坐中舞我有狂客陳村民為  
言昔者長相親慕賓况有項文學安得一見清心塵  
漁江沙晴秋草綠却望崆峒歌伐木王郎定棹酒船  
過我行不歸將柰何

題馬元善所藏松菴墨菊歌

松菴道人寫墨菊幽興宛在山岩中軒然蒼石立苔  
蘚枝葉掩冉生秋風石傍扶踈出三本土潤根肥氣  
深穩彤霞匝地鑄黃金白露溥空濕香粉馬君好古

天趣真昔年省郎吾故人升堂把酒對圖畫使我意  
與南山親君家舊宅龍沙北荒圃經年歸未得何當  
斲地種千株日倚湖亭看秋色

題薛克恭金陵竹西堂歌

若有人兮懷竹西乃在鍾山之下秦淮之湄十年道  
阻風浪惡東望但恨歸來遲當時種竹堂西畔新綠  
扶踈出窻半手招鳶鶴下風雲日送蛟龍上霄漢豫  
章南遊消息踈却眺鍾山思舊居女墻月昏潮水落  
萬玉濯<sub>匕</sub>今何如憐君清修好風格漂落經年歸未  
得安得相携招八公載酒來遊竹西宅上元周積吾



故人別來五見桃花春  
昨朝卷中誦題句使我感慨  
懷清真我家珠林小江口  
棄置頻年事奔走亂餘斬  
伐叢竹廢敗屋空餘數株柳  
聞君竹堂心眼開陶令  
何時歸去來清泉白石有貞操  
六代繁華安在哉

五月十八日挈家避兵由里良入西坑作猛虎

吟

猛虎前嘯毒蛇後駢烈火被原荆榛塞途悲風撼  
日欲晡山石摧裂魑魅呼令我有足不得趨蹙竭頻  
踣猶在孛嗟我人曾不如青天之飛禽局促木石  
底而多心喂傷哉唐虞遠干戈苦侵尋云胡有生適丁

斯今口不能言泣下沾襟

十一日寇拔古城圍始出東門渡江遇爭橋者  
幾陷于水既渡賦出自東門一首以自釋乙巳

正月

出自東門言越廣阡颯彼驚風鬱其飛烟鏘金鐵兮  
晝鳴市無人兮草芊芊後有摩牙鼓吻之虎狼前有  
衝波百折之奔川上茫兮今不能附烏鳶之飛騫下  
淵兮今懼蛟龍之糾纏累然蹶蹶不可以徑度况有  
白刃揮霍交其前龍頭兮濺兮佛原兮綿聯雨冥兮  
兮雷闐兮羗獨後濟此兮嗟蒼天

題牛熙百猿圖歌

石崖盤空截飛嵐萬木叢薄秋氣酣野猿呼群出山  
南什七伍七旁交叅黑毛黃毳長鬚七白面碧眼狼  
以眈眈拳踞躡且含接足照影岳虛潭去若相逐  
聚若談背側俛仰意各貪或行或据或引探抱者六  
七懸者三攀枝扶蔓綠松橋危不畏險乃所湛蜀門  
峽陰雲水涵啼霜叫月客不甘三聲已覺生憂悵如  
此三百寧能堪嗟哉牛熙筆如鍊苦心貌此何精覃  
瑤池飄忽空入驂君子所化乃不慚

題湯子敏松石山房歌

蒼七雲松磊七白石層岡盤七二水隔君從何年此  
卜宅茅茨窈窕通柴闕屋前正對宣華山蒼苔滿地  
人迹絕但見群木紫翠交其間禾川西來抱山脚主  
簿潭空日光薄石面青烟薜帶垂葉間晴雪松花落  
採山釣水皆清風胡為汨沒塵埃中看君有子如玉  
柱覺我憔悴成衰翁愁來頗亦耽幽趣安得携家就  
君住憶在花陰把卷時黃鸝啼滿青楸樹江魚秋肥  
山果紅有酒莫放金尊空人生適意在深隱富貴時  
來安所家

題進馬圖



卷之四  
一四二  
拳毛赤鬃初來進西人自控中官引虎氣深騰紫禁  
門龍光暗掣青絲紉玉鞭金鐙調馬時天子親御和  
鸞宜香街十二柳如霧太液宮前花滿枝神物飛騰  
那可測電掃風馳周四極時來顧影只長嘶太僕圉  
人騎不得

墨竹短歌為蕭志行賦

羃<sub>七</sub>歷<sub>七</sub>生崇岡洒<sub>七</sub>浙<sub>七</sub>合秋霜平生念子抱素  
節感慨寫此當高堂釣臺仙潭憶所歷石洞雲垂翠  
光滴夜寒月白聽龍吟瘦影離<sub>七</sub>上虛壁

兩相惜行贈別吳仲倫歸白沙并柬曾自升

江上霾雪陰雨積野徑荒<sub>七</sub>斷行迹故人東來忽過  
我把臂驚呼兩相惜十年東南兵甲頻豪傑往<sub>七</sub>淪  
風塵軀幹軒昂力如虎觀子豈是尋常人憶曾同作  
匡山客醉上層峰看秋色流水空明龍子潭碧桃盡  
繞仙人宅中潭欲上心力摧驚風怒電從空來却携  
短劍問卜筮乘槎徑欲窺蓬萊時移事異鬢髮改白  
壁泥沙閔光彩青鳥高飛竟不回消息微茫墮雲海  
君從何年還白沙我亦歸種珠林瓜青山閉戶宜落  
日一水只隔城東霞感君遠來當此夕露牖風燈暗  
虛席一杯濁酒千斛感忽憶原嘗淚沾臆由來變化

鈔本先生詩選卷之四  
四三  
紛龍魚老我無成空學書西行定遇曾文學為問朗  
溪石筍今何如

江上對月歌

明月初出雲間時烟如金盆光陸離駐影疑遮青桂  
樹飛光直射碧桃枝枝間爛熳花如雪風力高寒吹  
欲折便持玉案紫瓊杯還酌青天白銀闕白銀闕幾  
千丈九州四海遙相望一年十二度圓缺惟有春時  
最和朗我從抱病滯故園十月九雨增憂煩此時朋  
游少懽聚誰與共倒林中尊只今翫月流江滸却憶  
兄行弟游處湘水天清各口雲霄山雪照羅岩樹獨  
不見兮心慘傷舉頭看月憐異鄉華山老鶴歛翅舞  
龍門流水橫秋霜人生富貴復何有笑折花枝勸行  
酒未須秉燭向西園更與迴樽唱楊柳

題楊郎所製五采匹箋歌贈自明楊徵士

楊郎手持一匹牋邀我放筆題長篇自言新製三百  
幅忍貧不博黃金錢浣花濯錦何絢爛湘淶凝春起  
波瀾晶熒色奪赤石髓膩滑光浮青玉案人言楊郎  
此箋真可傳豈知縛筆煉墨尤精堅雲窓朝拔霜兔  
穎石室夜掃松花烟一生攻苦事文墨長恨科名收  
不得窮年白髮侍甘旨負米升堂更愉色楊郎楊郎



莫謾沽古人豈必今人殊由來絕藝可名世况尔世  
業當文儒益州十樣今復見麋角松紋烟成片蒼龍  
騰霧起勺水紫鳳嘶圖出深殿我慚世好百不諧學  
書局促空寒齋霜餘柿葉不可拾但覺枯硯在塵埃  
感君孝養怜君苦會且蜚聲群玉府自挾玄雲答遠  
情江風颯七鳴秋雨

寄荅夏仲寅

宜春才子清時望精神峭駿才踈放野服不遊城市  
間扁舟祇在江湖上往年訪我珠林灣草屋榛溪相  
往還是時八月十五夜明月東上仙槎山君舡政繫

灣頭柳玉瓶雙倒金陵酒滿洲風露聽歌呼水面寒  
光碎星斗別來鴻燕邈相踈宋郎忽寄雲中書碧箋  
麗句細作字秋水掩再生芙蓉東南轉戰幾千里白  
雲在山招不起使者空尋顏闔廬神仙還入東吳市  
今年五月勞遠尋快閣磯頭江水深手持輕筴忽贈  
我使我披拂清煩襟如何相逢即相別回首音塵忽  
超越松桂早已見清貞雲月何由比高潔知君慣作  
汗漫遊揚帆鼓柁春江流重湖烟雨葭莢綠我亦飄  
颻隨白鷗

秋日承陳子相寄示送別詩併錄登武山及往

年武溪相憶之作比與清遠有思致所以愛我者深矣能無報乎輒賦長歌以答遠意併東南溪蕭翀諸子

西登宣華東眺武山崒其孤青邈矣難攀虎鼻吸嵒戴石何班七風門宛開雙翠鬢雲峰上出九千仞六月飛瀑聲潺湲我有故人冰玉顏欲往從之路險艱長松吹雨日色冷曾倒綠醕夜醉溪亭間別來幾時秋樹殷寄我好句錯絡明月連金環搖光發彩蕩心目使我歎息開昏頑憶昔與數子乘月相往還泛舟曉出越臺下吹笛夜渡青泥灣每思黃虞世禮樂日

以瘞仲尼浮海去已遠古詩三千誰與刪曹危檜偏忝離廢乃有哀怨興荆蠻後來作者百四五魚目蝦蚌愁嘲訕石岩夜寒不可旦落葉如雨驚栖鷗感君高誼朗如月愧我綠髮今成班君才磊砢世所稀高價豈止千萬錢由來天馬絕銜轡豈有芝蘭低草菅祇今黃塵浩七彌人寰長弓犀角紛馳轡金洞老仙卧烟草顧我清淚流潛七九天崇嚴烟霧杳中有玉色都而閒待余服食金光草來扣清都龍虎關

贈泉上人彈琴

慈恩上人好彈琴昨者相遇龍門陰琅然為我拂蒼



玉馬作幽澗寒泉吟奔騰千丈瀑布落忽轉岩凹漱  
松聲流聲漸遠人莫聞颯々天風起寥廓

題華陽彭玄明所畫秋山圖

我不識華陽彭煉師見畫雲山想句曲數峰暝色人  
溪浦六月泉聲動虛谷紫霞樓觀當落日似有幡幢  
出林木海邊鼇首戴雲紅天際蛾眉拂秋綠昔聞天  
台鴈蕩相鈎連雲氣來往駕飛仙斷橋溪澗路如棘  
嗟尔策蹇歸何年秋風湖曲波如烟我思東泛吳江  
船買魚沽酒綠荷渚吹笛夜下松門前便尋煉師覓  
玄鶴却訪華陽窺洞天

奉題墨竹為西陽蕭先生賦

西陽先生風節高蚤以文翰馳英豪興來為之寫蒼  
玉便覺滿紙生風濤長身勁氣欲千丈復有孫枝儼  
相向曾聞鸞鳳下雲霄會見蛟龍起春浪先生靜掩  
林中居眼明秋水箋垂魚他年東海訪竒古定載小  
車求竹書

流江八景歌

望龍門渺飛雪皎若三山白雲闕仙人踏岩石上  
迹欲戚恍惚瓊樓珠幢夜騰結北風吹沙江水裂望  
西山愁暮雨青屏冥々龍出舞真僧入定石卧虎遙

見絕壁中開露祇樹遭予遊兮江之南月皎兮浸  
涵素娥抱玉騎紫蟾馮夷縮手不敢探但見光采爛  
爛千丈搖虛潭招予舟兮石浦春濤皓兮不可以渡  
風轟鏗兮雷怒忽中流以迴顧聞闐兮之成鼓宣華  
屹其雲中天鷄鳴兮咽霜鐘耿踈星之曙光見十二  
之青峰復忽兮將夕落景飛兮亂山赤眺長洲兮汎  
珠湖棹木蘭兮拾明珠山有松栢兮水有芙蓉高可  
樵兮深可漁樂哉江南兮伊美人之所居

登王氏承慶樓歌

誰能白日騎鶴維山頭誰能赤手釣鰲滄海陬長空

千里望不極愛此江上縹緲之飛樓兮成宛在河中  
洲排軼霧雨盤深幽後有白塘百疊之丹崖前有石  
浦萬丈之龍湫炎霄飛雪洒棟藻清曉落月窺簾鈎  
可以招飛仙延浮丘龍門宣華鬱相繆手翻天瓢倒  
海水一洗萬古興亡愁昂藏溪南翁颯沓紫綺裘平  
生友愛無與儔倚闌思共梅川遊驚風吹鴈去不返  
徒使綠猿吊月鳴啾兮梅川神遊不可見喜見令子  
如琳瑯前年入山伐群木構此徑欲追前脩三槐當  
戶青不休兩江之水何瀏兮晚烟近渚栖釣石春雨  
滿皋看綠疇已聞萬卷積書史况有坐客皆公侯憶



我重来停小舟門前綠波飛白鷗喬林倚天萬竹稠  
下有馴鹿聲吻上雲陽老仙翰林伯十日坐此成淹  
留醉搖綵筆發奇思雄文鉅扁凌高秋至今光怪動  
牛斗四壁恍愴騰蛟蚪林花如錦爛不收猗蘭娟娟  
春葉抽何不載酒相勸酬為君滿酌黃金甌起招秦  
娥作妙舞更喚越女迴清謳洞霞絢爛可以列錦屏  
澗水嘈雜可以鳴篴篥但期天河遠抱石不記海屋  
曾添籌功名時來安可求過眼何異春雲浮誰能東  
山問安石我欲剡中從子猷

題葛洪移家圖

前行白羊四角羸誰其駁者鬚鬢兒槍犍一大嗥而  
馳舉鞭護羊訶止之背有囊琴結黑純嫗後負盡策  
以追少婦騎牛七步遲兩兒共載兀不歌大者坐擁  
班文狸小者索乳方孩嬉毋咲不嗔還咲咿復有鬚  
者肩童羈引手向翁如反傲蹇驢嗅地行欲疲兩耳  
逆豎愁風吹老翁龐眉方頷頤碩瞻妻子色孔怡似  
語前行路向夷尔兄在前尔勿痴尔母正念尔弟飢  
高幘鼻奚荷且持藥瓢囊襍何垂上  
有採者柄相叅  
差傍有二卷一解披趨行苦忙奚不知我觀此畫喜  
復疑問翁為誰莫可推或云葛令之官時移家勾漏

乃若茲人生多累在侈靡如此行李胡不宜骨肉在  
眼無餘資非有道者焉能為陳岩作圖真畫師筆跡  
縹緲如飛絲中有妙意世莫窺我吟將為仕者規如  
不見畫當求詩

美人撫綿線歌

吳姬坐捲芙蓉裙玉纖參差按白雲綺窓日高花氣  
熏搖光弄影何紛紛春蠶蠶肥雪花白澣得吳綿愛  
柔澤殷勤胷挂珊瑚枝一挽瓊絲落千尺寶璫下鎮  
懸飛瓊宛轉不聞綠絡聲春風吹花撲簾入倦倚象  
床還歎息願因雙織紫鴛鴦與郎被服生輝光郎心

百年終綰結莫學柔絲中道絕

題桃花珍禽畫

山桃花開紅滿枝珍禽啄花光陸離媪欲立不自  
持吳提十里錦作帷憶曾半醉倒接籬走馬挾彈歸  
來時還見踏翻紅雪飛

賦金精山寄贈王使君

金精之山高入雲丹崖黑石相糾紛靈泉千尺天上  
落仙樂縹緲空中聞我昔南遊出其下池上蓮花已  
堪把使君訪古此尋幽洞口雲蘿繫駉馬激清流坐  
高林排白石鳴清琴石以擬君之壯節泉以比君之



素心愛而不見心惻々雲嶺歷乱烟波深題詩遠向  
山中去木鶴西飛憑寄音

石潭漁者歌

吾慕東海生垂釣潭上石潭水颺春風桃花艷雲日  
知君遠志不在魚濯足時々還讀書祇應豹隱藏深  
霧肯學鷹揚載後車

賦金銀山送蕭茂才之遂江併柬周用性

金銀兩山蔚參差我昔西遊曾見之石臺照耀落日  
紫下映流水光離々干戈蒼茫隔烟霧清秋送子山  
中去淪落同悲鴈塔人登臨更賦龍門句水北山人

鬚髯蒼十年寄書不得將君去相尋定相得却望兩  
山心惻々

題王若水畫松石高人圖

盤松如龍石如虎傍有高人鬚髮古千年海上憶安  
期一日山中見巢父龍變乘雲虎可騎四海逍遙隨  
所之桃花源裏有路到莫遣時人先得知

題帖監縣所藏唐人畫馬圖

髯奚並控天閑馬迴鞭齊立垂楊下毛骨疑從漢苑  
來衣冠自是唐人畫東南百戰良馬空安得致此真  
驍雄為君電掃清八極歸來立仗明光宮

劉槎翁先生詩選卷之四  
陪虞於校燕蕭一誠書樓即席上芙蓉花賦得

玉字

層樓壓城俯沙麓上客飛觴度瑤曲晴雲再駐芳  
筵秋水亭上濯紅玉鴈鴻此日號朔風駘馬何時出  
南陸酒闌興極江霧寒月出笳鳴楚山綠

劉槎翁先生詩選卷之四終

嗣孫養性

道卿編次